

L'alcool bouerle, mâ...

Autor(en): **Djan Pierro**

Objekttyp: **Article**

Zeitschrift: **Le nouveau conteur vaudois et romand**

Band (Jahr): **94 (1966)**

Heft 3-4

PDF erstellt am: **22.07.2024**

Persistenter Link: <https://doi.org/10.5169/seals-234436>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

L'alcool bouerle, mā...

Y a kâtiè z'annâie, lou papi (journaux) no z'avont contâ l'histoire d'onn'Hongrois k'âve réçu, dei ona dèfrepenâie de la dierra dè 14, ona bâlla dè cherapenelle. A l'hêpetau, lou mайдze le créïavont fotu, mé li ant toparâi aôvert la tête et ant trovâ la bâlla k'âire dei la cervalla. Pouâi la trère, è lâu z'a fadhu copâ on boquenet dè cervalla.

Trâi senânné apré, l'Hongrois étai mé su le piôte, tot prêt à tornâ sè tâupâ. Mé, adon, è n'âve jamé fauta dè dremi. Dè tre senânné, è n'âve pas dremâi on a menuta.

Assurâ ke lou chirurgien li âvont copâ le boquenet dè cervalla ke kemande le sonno (sommeil) et lou sondze (rêves).

Cei sè passâve ei n'Hongrie. Mé tinke on'âtra ke s'est passâie, y a pas grand temps, dei noutron bon canton dè Vaud, et ke m'a étâ contâie pè on mайдzo dè tsi-no.

Dzozon âve tant grand temps ribotâ de vin ke, po fini, è ne l'y trovâve rei mé dè goût. Adon è s'est mè à fifâ la goutte : le krâtre, le chenike, le fiertsô, le brante-vin, le tchirche, tot cei k'est hiaut. Mé son corniollon étai tant coué ke tui lou cretchu, lou verroton li sembdhâvont de l'évoue.

Adon, è bèvai todzo mé, s'abimâve l'es-

tema et âve tsâke coup k'è s'eitornâve avoué ona fédérâla, ona terribdha mau dè tête.

On dzor k'è sefrive bin adrâi, è s'est de :

« E parâi ke y a de l'alcool dei tot cei k'i bâive, et le mайдzo m'a de, l'âtr'hy, ke l'alcool, k'est ledzi, va dei la cervalla, et ke l'étai cei ke mè fasâi thâu terribdhe mau dè tête.

Adon kemei l'alcool est tant lèdzi, i vouâi éprovâ dè mè fère on petiou pertuis su la tête po fère sadhi cé alcool.

Dinse de, dinse fé ! E prei on petiou terâre, fé on petiou pertuis u fin maitin de sa tête, drâi su la cervalla. Pss ! Pss ! ér oud on petiou si... L'étai l'alcool ke tsithâve di le pertuis. E le rèboutse, sondze ona menuta et sè dit :

« L'alcool bouerle et badhe de tsaud — on le vâi kan on medze la fondua — adon i vouâi éprovâ de l'y fetsi le foua et dè m'etsâudâ 'na tassa dè café. »

Cei a dzoïa. Le café a d'abo étâ tsaud et... pas mé dè mau dè tête.

Novalla fédérâla dou dzor apré, novalla tassa dè café bon tsaud et... rei mé dè mau dè tête.

E conte l'affére à Trognu, son vesin, k'âire assebin on soulon dè sorte. Lice éprove l'affére, sè trompe d'eindrâi, totse le ner (nerf) ke kemande le rire et sè met à rècafâ sei être fotu dè s'arrêtâ.

Adon, èr a fadhu le menâ à Cery iô è contenue à rècafâ dzor et né paske lou mайдze, ke n'ant jamé cei iu, n'ant pas étâ fotu de l'arrêtâ dè décalâ dè rire. E l'y est adé.

Et vo ke m'acâutâde, tâtsi dè trovâ la bouena pdhace.

Djan Pierro dè le Savoies.

CAFÉ ROMAND
LOUIS PÉCLAT LAUSANNE PL. ST FRANÇOIS 2

Papeterie St. Laurent
Charles Krieg LAUSANNE

Tél. 23 55 77

Rue Haldimand 5